



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

XIX. Ne in calice aut vonum solum, aut aqua sola offeratur.

urn:nbn:de:hbz:466:1-15967

per futura temporum curricula ab omnibus obser-
uanda.

ANNO
CHRISTI
891.

XVIII.

De consec.
dist. 1. Vasa
in quibus
sacrosancta.

Vasa in quibus sacrosancta conficiuntur mysteria, calices sunt & patenæ. De quibus Bonifacius martyr & episcopus interrogatus, si liceret in vasculis ligneis sacramenta conficere, respondit: Quondam sacerdotes aurei ligneis calicibus utebantur, nunc econtra lignei sacerdotes aureis utuntur calicibus. Zephyrinus decimus sextus Romanus episcopus, patenis vitreis Missas celebrari constituit. Tum deinde Urbanus decimus octauus papa, omnia ministeria sacra fecit argentea. In hoc enim, sicut & in reliquis cultibus, magis & magis per incrementa temporum decus succreuit ecclesiarum. Nostis enim diebus, qui serui patris familias sumus, ne decus matris ecclesiæ imminuatur, sed magis cumuletur & amplificetur: statuimus, ut deinceps nullus sacerdos sacrum mysterium corporis & sanguinis Iesu Christi Domini nostri in ligneis vasculis ullo modo conficere præsumat, ne unde placari debet, inde irascatur Deus.

XIX.

Ioan. 19.

Apoc. 17.

Alexander successor Euaristi dixit: Non debet enim, ut a patribus accepimus, & ipsa ratio docet, in calice Domini aut vinum solum, aut aqua sola offerri, sed utrumque permixtum, quia utrumque ex latere eius profluxit: Ut videlicet per hoc indicet populos, qui secundum Ioannem aquæ sunt, a Christo, cuius sanguis in calice est, diuidi non debere. Cuius rei veritatem in hac sancta Synodo

con-

ANNO
CHRISTE
895.

confitemur, credimus & confirmamus, ne vllus sine commixtione vini & aquæ myſteria ſacra conficiat, ſed vt duæ partes ſint vini: quia maior eſt maieſtas ſanguinis Chriſti, quam fragilitas populi: tertia aquæ, per quam intelligitur infirmitas humanæ naturæ.

XX.

Si quis irreuerens, timorem Domini poſtponens, in ſervos eius ſæuire præſumpſerit, quos ipſe præ ceteris peculiari ſingularitate ſibi ſegregavit, & coronæ ſuæ ſimilitudinem, tradente apoſtolorum principe, geſtare fecit, & ſervos ſuos dici & eſſe voluit, ſortemque illorum ſe conſtituit, ſicut de eis ſcriptum eſt, loquente ipſo Domino: *Ego hereditas eorum.* 1. Petr. 2. Num. 18.
Dominus hereditas mea eſt: Si quis, vt diximus, vllum eorum, quocumque ordine conſecratum, cæſis vulneribus, vel quibuſcumque iniuriis anguſtauerit, iubeat eum dominus episcopus per bannum a ſe impoſitū ante ſe venire, & aduocet cognitorem & adiutorem comitem, & conſtringat proteruum episcopus auctoritate canonica: vt eidem clerico, cui contra diuinas & humanas leges contumelias ingeſſit, iuſtam & debitam perſoluat compositionem: & comite agente perſoluat bannum regibus debitum. Si vero agente proteruia venire contempſerit, iuſtitiaque conſentire detrectauerit, agantur ſuper eum omnia, quæ ſupra ſcripta ſunt in ſecundo & tertio capitulo, niſi iterum veniat, & iuſtitia concordet.

XXI.

Si quis preſbyter contra laicum, vel laicus contra preſbyterum, aliquam habet querimoniæ con-

1. quæſt. 4.
Si quis pre-
sbyter.

Concil. Tom. 24.

Nnnn